

ত্ৰিপুৰা হাফাঙ
ককথুম তেই হুকুমু দাগিখুঙ

স-২ ১৮৫

আগৰতলা, ৭ আগষ্ট, ২০২৫

হাবাৰন' মীথাঙ নাৰীকনাঅ তেইব' কীবাঙ খীলায়
ফাঙবীসা কায়না নাংনাই : হুকুবাৰ মন্ত্ৰি

হাবাৰন' মীথাঙ নাৰীকনাঅ তেইব' কীবাঙ খীলায় ফাঙবীসা কায়না নাংনাই। হায়ুঙনি তুঙমাৰি কীবাঙন' বাংগাঁই তঙগ'। তুঙমাৰিন' কীচাঙ খীলায় নাৰীকনা বাংগাঁই ফাঙ কায়নানি নাংকুকগ'। বুমানি মুঙগাঁই, বীসা-বীতীয়নি মুঙগাঁই এবাখে বায়থাঙনি আচায়মা সাল' জতন' ফাঙবীসা কায়না নাঙগ'। বনি বিসিংতীহন' হায়ুঙনি তঙখৰ অজন আংনায়। মোহনপুৰনি পশ্চিম তাৰানগৰনি ফকিৰমুড়ানি চিন্ময় হৰিজয় স্কুল বীসকাঙগ' ফাঙ কায়মুঙ সামুঙবীতাংন' চেঙগাঁই ৰীই হুকুবাৰ তেই হুকুবাৰ খীলায়নায় হামকীৰাই নাইখুঙনি মন্ত্ৰি ৰতনলাল নাথ অ কক সাখা। হুকুবাৰ মন্ত্ৰি তেই কুবুন নাৰুউহীৰক ৰীঙনক বীসকাঙগ' জুদা জুদা ফাঙবীসা কায়খা।

পানদাঅ হুকুবাৰ মন্ত্ৰি সাখা, লুকুবসঙগ' জতনিন' বায়থাঙনি খীলায়থায় সামুঙৰক তঙগ'। হায়ুঙগ' বৰকনি বাঙমাৰি কীবাঙ আংগাঁই তঙগ' তেই বাবায়সা বীখাক হীনখে বুফাঙনি বাঙমাৰি কিসাউই তঙগ'। ফাঙ কায়মুঙ সামুঙবীতাংন' তেইব' খাতুঙজাক খীলায়নাঅ 'এক পেড় মা কে নাম' অভিযান চেঙজাকখা। তঙখৰন' মীথাঙ নাৰীকনাঅ চিনি হাকতৰনি লুকুৰক অ সামুঙবীতাংন' যাচাকখা তেই ফাঙ কায়খানি তেইব' খাতুঙজাক আংখা। জতন' তেইব' কীবাঙ খীলায় ফাঙ কায়নানি বাংগাঁই কক কীচাৰখা হুকুবাৰ মন্ত্ৰি।

মোহনপুৰ পুৰ পৰিষদনি লুটাজিমুঙগ' এক পেড় মা কে নাম অভিযানন' ৰীগাঁই থাংনাই ৬ আগষ্টঅ অ ফাঙকায়মুঙ সামুঙবীতাং সঙচাজাকখা। অ সালনি অ পানদাঅ ৰীঙনকনি সীৰীঙনায়-সীৰীঙনায়জীক তেই বৰগনি গাৰ্ডিয়ানৰকন' মোহনপুৰ পুৰ পৰিষদনি বীখাকতীই ফাঙবীসা বাকজাকখা। পানদাঅ মোহনপুৰ পুৰ পৰিষদনি চেয়াৰপাৰ্সন কনিকা দেবনাথ, ভাইস চেয়াৰপাৰ্সন শঙ্কৰ দেব, সালথাঙ ত্ৰিপুৰা জিলা পৰিষদনি মেম্বাৰ জয়লাল দাস, মোহনপুৰ বীখাকন্তেনি এসডিএম সুভাষ দত্ত, মোহনপুৰ পুৰ পৰিষদনি কাউন্সিলাৰৰক মানজাক ফায়খা।
